

NAQQIUT

Inatsisartut inatsisaannut 4. august 2016-imeersumut siunnersuummi saqqummiussissutissaq taarsissavaa.

(Naqqiutigineqartoq aqutigalugu kalaallisut qulequtaaraa kiisalu inatsisissatut siunnersuutip danskisut allanneranut naapertuuttumik nutserneqarnera iluarsineqarput. Peqatigitillugulu naammagittaalliorsinnaanermut pisortanullu aningaasaqarnikkut kingunerisinnaasaanut tunngatillugu nassuiaatini erseqqissaasoqarpoq.)

Uunga siunnersuut: Aalisarnej pillugu inatsisartut inatsisaata nr. 18, 31. oktober 1996-imeersup allanngortinnera pillugu Inatsisartut inatsisaat nr. xx, xx, xxxx 2016-imeersaq. (Aalisarnermut, Piniarnermut Nunalerinermullu Naalakkersuisoq)

Saqqummiussissutissaq**1. Siullermeerneqarnera**

Matumuuna Naalakkersuisut sinnerlugit aalisarnej pillugu inatsisartut inatsisaata allanngortinnissaanut siunnersuut saqqummiutissavara. Allannguutissatut siunnersuummi Naalakkersuisut malittarisassanik erseqqinnerusunik atortuulersitsisinaanissaat siunertaavoq, taamaalillutillu kommunalbestyrelsit aalisarsinnaanermut akuersissutinik tunniussisinaanermut aqutsinissamik peqquneqarsinnaalerlutik.

Pisortani atortut pitsanngorsartuarnissaat Naalakkersuisunit kissaataavoq. Taamaaliornikkut kalaallini inuiaqatigiinni aningaasartuutaasartut annikillineqarsinnaammata.

Inatsisissatut siunnersuut manna aqutigalugu aalisarsinnaanermut akuersissutinik tunniussisarnerup aquneqarnerata kommuninit isumagineqarnerulernissaa Naalakkersuisut siunertaraat. Siullertut qarasaasiatigut atortut ineriartortinneqassapput, tamannalu aqutigalugu innuttaasut kommuninut saaffiginnillutik aalisarsinnaanermut akuersissutinik qinnuteqarsinnaanerat periarfissaalerpoq. Periutsimi innuttaasut namminneerlutik Sullissivik.gl imaluunniit Businessgreenland.gl qarasaasiakkut qinnuteqaammik immersuisinnaalissapput imaluunniit sullissivimmi sulisumik ikiorneqarsinnaassallutik. Qinnuteqaat ingerlaannaq suliaralugu aallartinneqassaaq, piumasarineqartullu naammassineqarsimappata akuersissut innuttaasumut ingerlaannaq tunniunneqarsinnaalissalluni.

Aalisarsinnaanermut akuersissut ingerlaannaq tunniunneqarsinnaasimangippat qinnuteqaat Aalisarnermut, Piniarnermut Nunalerinermullu Naalakkersuisoqarfimmut nassiunneqassaaq,

taakkualu aalajangissavaat aalisarsinnaanermut akuersissummik tunniussinissamut immikkut akuersissuteqartoqarsinnaanersoq.

Sulianik ingerlatsinerup Aalisarnermut, Piniarnermut Nunalerinermullu Naalackersuisoqarfimmiiginnarnissaa Naalackersuisut siullertut kissaatigigaluarpaat, periuuserli aqutugalugu sulianik ingerlatsineq innuttaasunut qaninnerulissaaq. Inatsisissatut siunnersuutip kinguneranik sulianik ingerlatsinerit amerlanersaat siunissami kommuninut tunniunneqarsinnaassapput.

Aallaaniarsinnaanermut piniarsinnaanermullu akuersissutit piniarnermut inatsimmi tunngavilerneqareersimammata inatsisissatut siunnersuummi matumani aalisarsinnaanermut akuersissutit kisimik pineqarput.

Kommuninut tunniussinermi siullertut periutsumik ineriartortitsisoqarlunilu naleqqussaasoqassaaq, tamannalu aqutugalugu kommunit suliassamik tigusinissaat periarfissinneqarluni. Taamatut aaqqiisoqarnera 1.300.000 kr.-it missaannik aningaasartaqassasoq naatsorsuutigineqarpoq, tamannalu aningaasaliiffigineqareerpoq. Digitaliseeriinermut Aqutsisoqarfik siunertanut taamaattunut aningaasat immikkoortinneqartut aqutigalugit aningaasartuutaasut tamarmiusut ilaannut aningaasaleeqataaniarluni neriorsuisimavoq. Matumani periutsumut atorneqareersumut isersinnaalernissaaq pineqarpoq. Tabelimi naatsorsorneqartutut aningaasartuutit agguarniarneqarput:

Isumassarsiarineraniit aningaasartuutit (teknikimut tunngasortaa)	50.000 kr.
Misissueqqissaartoqarnerani aningaasartuutit (periutsip teknikitaanut tunngasortaa)	120.000 kr.
Pissarsiarinnittoqarnerani atuisoqalerneranilu	800.000 kr.
Piviusunngortinnerani	330.000 kr.
Ataasiaannartumik aningaasartuutit aningaasalersorneqarnerat	1.300.000 kr.

Aallaaviatigut 380.000 kr.-nit Naalackersuisoqarfiup ingerlanneranut aningaasaliinerit aqutigalugit aningaasalersornissaa naatsorsuutaavoq, 920.000 kr.-nillu sinneruttut digitaliseeriinermut aqutsisoqarfimmiit siunertamut immikkoortinneqartut aqutigalugit aningaasalersorneqassapput.

Tunniussisoqartarneranut qitiusumik allattoqarfimmi siunissami sulisunik ikinnerusunik sulisoqalernissaa ilimagisariaqarpoq, peqatigitillugulu kommunini sulisut amerlillugit, taamaattorli sulisut sulisorineqareersut atorlugit sulianik ingerlatsisoqarluni. Tunniussisarnermut periaatsimik ineriartortitsineq, tamatumalu kinguneranik

pitsanngorsaaneq allagartanik tunniussisoqarneranut atatillugu ataatsimut sulisunik atuinikinnerusoqarneranik kinguneqarsinnaavoq.

Ilimagisariaqarpoq kommunalbestyrelsinut tamakkiisumik tunniussineq Aalisarnermut, Piniarnermut Nunalerinermullu Naalackersuisoqarfimmi sulisunik atuinissaq ukiuniit 3-niit imaluunniit 1,0-imit 1,5 mio. kr.-inut apparfiujumaartoq. Assinganik kommuni sulisunik atuneq ukiunik 3-nik ilaneqarnissaa ilimagisariaqarluni. Taamatulli sulisunik amerlanernik atuneq kommuninut 4-nut agguanneqassaaq, taamaammallu atuinerulerneq kommuninut ataasiakkaanut ukiumik 1-mik minnerussasoq ilimagisariaqarluni. Sulisunik atuneq suliap aallartisarnerani annertunerpaajunissaa ilimanarpoq, tassalu ilinniartitsinissamut piviusunngortitsinissamullu atatillugu.

Siunnersuut aqutigalugu ukiup nikkinnerani tunniussinerup sunnuteqalernissaa Naalackersuisunit ilimagineqarpoq, taamaalilluni siunnersuut 1. januar 2017 piviusunngortillugu.

Taamatut oqaaseqarlunga siunnersuut inatsisartunut oqallisigisassanngortippara.